

Missa Gascona per Mossur lo curat Daniel DECHA

Cantic d'Entrada : Corala – Amassa cantem la fe

Cantem amassa lo dimenge deu Senhor qui ns'arrecèu tots en frairia

Cantem amassa lo dimenge deu Senhor qui nse met en alegria

Glòria, Glòria, Alleluia, Amassa cantem la fe ! (bis)

Que vam pregar, que vam cantar lo Diu deu cèu que'n vam escotar la paraula

Que vam pregar, que vam cantar lo Diu deu cèu sède's a la soa taula

Glòria, Glòria, Alleluia, Amassa cantem la fe ! (bis)

La lutz de Pascas qui cantam qu'es la deu cèu, deu cèu qui'ns ganham sus la tèrra

La lutz de Pascas qui cantam qu'es la deu cèu, la mort qu'a perdut la guèrra.

Glòria, Glòria, Alleluia, Amassa cantem la fe ! (bis)

Celebrant : Au nom deu Pair e deu Hilh e deu Sant Esperit

R/ AMEN !

Cel. : La gràcia de Jèsus lo Crist noste Senhor, l'amor de Diu lo Pair e la comunion de l'Esperit Sant siin tostemps dab vos

R/ E DAB LO VOSTE ESPERIT !

Cel. : Hrairs e sòrs, aprestem-nse a la celebracion de l'Eucaristia en tot reconéisher qu'em pecadors.

Perdon :

Cel. : Senhor Jèsus viventa imatge deu Pair enviat entà tornà'nse la vita

R/ SENHOR PIETAT, Ò CRIST PIETAT, SENHOR PIETAT

Cel. : O Crist vadut de la Verja Maria entà portà'ns lo don deu perdon

R/ SENHOR PIETAT, Ò CRIST PIETAT, SENHOR PIETAT

Cel. : Senhor paraula eternau deu Pair viengut nos prométer la patz

R/ SENHOR PIETAT, Ò CRIST PIETAT, SENHOR PIETAT

Cel. : Que Diu tot poderós nos hasca misericòrdia, que nos perdone los pecats e nos mie a la vita eternau

R/ AMEN !

Glòria : Arrepic cantat : Glòria a Diu dens lo cèu e patz sus la tèrra !

Que't laudam, que't benedisem, que t'adoram, que't glorificam

Que t'arregraciam per ton immensa glòria

Senhor Diu, Rei deu cèu, Diu lo Pair Tot-Puishant

Senhor Hilh unic, Jèsus Crist

Senhor Diu, anhet de Diu, lo Hilh deu Pair

Tu qui lhevias los pecats deu monde, Pietat per nosauts !

Tu qui lhevias los pecats deu monde, Agrada nosta pregària.

Tu qui ès assedut a la drete deu Paír, pietat per nos autes

Tu sol qu'ès Sant. Tu sol qu'ès Senhor. Tu sol qu'ès lo Hòrt-Haut, Jèsus Crist

Dab lo Sant Esperit, dens la glòria de Diu lo Pair Amen.

Arrepic cantat : Glòria a Diu dens lo cèu e patz sus la tèrra

Cel. : Pregària

Diu eternau e tot poderós, contunha de complir en nos lo mistèri pascau ; sustien e empara aus qui as volut arrenavir dens lo sent baptisme ; que frutejen hòrt e arriben a las gaujors de la vita eternau. Per Jèsus Crist.

Lectura deu libi deus Actes deus Apòstols

En d'aqueths dias, arribat a Jerusalèm, Saül ensajava de juntà's aus disciples, mes tots que'u cranhèvan, pr'amor ne credèvan pas qu'eth tanben èra vengut un disciple. Lavetz lo Barnabèu que'u prenó dab eth e que'u presentè aus Apòstols ; que'us contè quin, peu camin, lo Saül avè vist au Senhor, que'u avè parlat, e quin a Damas, s'èra exprimit dab hardiessa au nom de Jèsus. D'aqueth temps ençà, lo Saül qu'anava e vinèva dens Jerusalèm dab eths, s'exprimint dab hardiessa au nom deu Senhor. Que parlava aus Judius de lenga grèca e que batalava dab eths. Mes àqueths que cercavan a'u tuar. Assabentats, los hrairs l'acompanhèn dinc a Cesarea e que'u hason partir cap a Tarse.

La Glèisa qu'èra en patz dens tota la Judèia, la Galilea e la Samaria ; que's bastiva e caminava dens la cranhença deu Senhor ; dab l'assistencia deu Sent Esperit, que creishèva.

Paraula deu Senhor !

En ces jours-là, arrivé à Jérusalem, Saul cherchait à se joindre aux disciples, mais tous avaient peur de lui, car ils ne croyaient pas que lui aussi était un disciple. Alors Barnabé le prit avec lui et le présenta aux Apôtres ; il leur raconta comment, sur le chemin, Saul avait vu le Seigneur, qui lui avait parlé, et comment, à Damas, il s'était exprimé avec assurance au nom de Jésus. Dès lors, Saul allait et venait dans Jérusalem avec eux, s'exprimant avec assurance au nom du Seigneur. Il parlait aux Juifs de langue grecque, et discutait avec eux. Mais ceux-ci cherchaient à le supprimer. Mis au courant, les frères l'accompagnèrent jusqu'à Césarée et le firent partir pour Tarse.

L'Église était en paix dans la Judée, la Galilée et la Samarie ; elle se construisait et elle marchait dans la crainte du Seigneur ; réconfortée par l'Esprit Saint, elle se multipliait.

R/ QU'ARREGRACIAM A DIU

Psaume : Repic : A Tu, Diu, nosta laudor au demiei de la Glèisa

Davant los qui't crànhen, tinerèi las promessas.
Los praubes minjaràn : que seràn sadorats ;
Laudaràn au Senhor, los qui'u cercan :
«A vos, tostemps, la vita e lo gai !»

La tèrra sancèra que's sovinerà e tornarà de cap au Senhor,
Cada familha de nacions que's prosternarà davant eth :
«Òc, au Senhor la reiautat, lo poder sus las nacions !»

E jo, vivi entad eth : ma descendéncia que'u servirà ;
Qu'anonciaràn au Senhor a las generacions a vîner.
Que cridaràn sa justícia au pòble avenirer :
Aquí soa òbra !

Lectura de la purmèra letra de Sent Joan

Mainadòts, que'ns cau aimar non pas en paraulas ni per devís, mes per accions e en vertat. Atau com coneisheram que siam dens la vertat e davant Diu apatzeram noste còr ; pr'amor si nosta consciéncia nos condemna, Diu qu'es mei gran que nosta consciéncia e qu'ac coneish tot. Ben aimats, si la consciéncia nosta non nse condemna pas, qu'avem assegurança davant Diu. Qué que'u demandem, qu'ac arrecebem d'eth, pr'amor que guardam los sons comandaments e que hèm çò que'u agrada. Badonc, lo son comandament qu'es : hicar la nosta fe dens lo nom de son Hilh Jèsus Crist, e que'ns aimem los uns los autres com nse l'a ordonat. Lo qui sèrv los sons comandaments que demora en Diu, e Diu en eth ; e atau quin sabem que damora en nos, puishque ns'a balhat son Esperit.
Paraula deu Senhor !

Petits enfants, n'aimons pas en paroles ni par des discours, mais par des actes et en vérité. Voilà comment nous reconnaitrons que nous appartenons à la vérité, et devant Dieu nous apaiserons notre cœur ; car si notre cœur nous accuse, Dieu est plus grand que notre cœur, et il connaît toutes choses. Bien-aimés, si notre cœur ne nous accuse pas, nous avons de l'assurance devant Dieu. Quoi que nous demandions à Dieu, nous le recevons de lui, parce que nous gardons ses commandements, et que nous faisons ce qui est agréable à ses yeux.

Or, voici son commandement : mettre notre foi dans le nom de son Fils Jésus Christ, et nous aimer les uns les autres comme il nous l'a commandé. Celui qui garde ses commandements demeure en Dieu, et Dieu en lui ; et voilà comment nous reconnaissons qu'il demeure en nous, puisqu'il nous a donné part à son Esprit.

R/ QU'ARREGRACIAM A DIU

Alleluia. Alleluia.

Damoratz en jo, com jo en vosatis, ce ditz lo Senhor ; lo qui damora en jo que fruteja hòrt.

Alleluia...

**Cel. : Lo Senhor sia dab vos auts !
R/ E DAB LO VOSTE ESPERIT !**

**Cel. : Evangèli de Jèsus Crist segon Sent Joan
R/ GLÒRIA A TU SENHOR !**

Evangèli de Jèsus Crist segon Sent Joan

En aqueth temps, Jèsus que disèva aus disciples son : «Jo, que soi la vinha vertadèra, e lo men Pair qu'es lo vinhèr. Tot sherment en jo, mes qui ne fruteja pas, lo men Pair que'u tira ; tot sherment qui fruteja, que'u neteja tà que ne pòrta enquèra mei. Mes vos qu'etz purificats déjà per la paraula que'vs ei dita. Damoratz en jo, com jò en vosatis. Com lo sherment ne pòt pas frutejar de per eth medish se ne damora pas sus la vit, vosautis tanpauc, se ne damoratz pas en jo. Jo, que soi la vit e vos, los sherments. Lo qui damora en jo e jo en eth, aqueth que fruteja hòrt, pr'amor en dehòra de jo, ne podetz pas har arren. Se quauqu'un ne damora pas en jo, qu'es com lo sherment, hòragetat e estadit. Los sherments estadits, que'us amassan, que'us botan au huec e son cremats. Se damoratz en jo e se las meas paraulas e damoran en vosatis, demandatz tot çò que vòlhitz e aquò que's realizarà per vos. Çò qui hè la glòria de mon Pair, qu'ètz vosauts qui frutejatz, hòrt e ètz disciples tà jo».

En ce temps-là, Jésus disait à ses disciples : «Moi, je suis la vraie vigne, et mon Père est le vigneron. Tout sarment qui est en moi, mais qui ne porte pas de fruit, mon Père l'enlève ; tout sarment qui porte du fruit, il le purifie en le taillant, pour qu'il en porte davantage. Mais vous, déjà vous voici purifiés grâce à la parole que je vous ai dite. Demeurez en moi, comme moi en vous. De même que le sarment ne peut pas porter de fruit par lui-même s'il ne demeure pas sur vigne, de même vous non plus, si vous ne demeurez pas en moi.

Moi, je suis la vigne, et vous, les sarments. Celui qui demeure en moi et en qui je demeure, celui-là porte beaucoup de fruit, car, en dehors de moi, vous ne pouvez rien faire. Si quelqu'un ne demeure pas en moi, il est, comme le sarment, jeté dehors, et il se dessèche. Les sarments secs, on les ramasse, on le jette au feu, et ils brûlent. Si vous demeurez en moi, et que mes paroles demeurent en vous, demandez tout ce que vous voulez, et cela se réalisera pour vous. Ce qui fait la gloire de mon Père, c'est que vous portiez beaucoup de fruit et que vous soyez pour moi des disciples».

**Cel. : Aclamem la paraula de Diu !
R/ LAUSENJA A TU, SENHOR JÈSUS !**

Credo :

Corala : *En Diu Paí creator, en Diu Hilh redemptor, en l'Esperit d'amor, tanben la Glèisa, nosta mair, aqui la mia fe !*

Amassada : *Que crei en Diu, lo Pair tot poderós, creator deu cèu e de la tèrra,*

E en Jèsus Crist, son Hilh unic, noste Senhor, qui esté concebut de l'Esperit Sant, qu'es vadut de la Verja Maria, que patit deu temps deu Ponce Pilate, crucificat, que s'es mort e qu'estó sepelit, que devarè taus in.hèrns, lo tresau jorn, que s'arrevicolè, que pujè tau cèu, qu'es asseitat a la dreita de Diu lo Pair tot poderós, d'on arribarà tà jutjar los vius e los morts.

Que crei en l'Esperit Sant, a la Glèisa Santa catolica, a la

comunión deus sents, a la remission deus pecats, a l'arreiscolada de la carn, a la vita eternau.
Amen !

Corala : *En Diu Pair creator, en Diu Hilh redemptor, en l'Esperit d'amor, tanben la Glèisa, nosta mair, aqui la mia fe !*

Pregària Universau

Escota la pregària e l'amor deu ton còr

Ofertòri : **Corala :** **Sus l'autar**

Sus l'autar quan Diu devara
En cambiant lo pan, lo vin
Noste còr d'abord se cara
En pensant aus de qui vin.

Dab tu que hèm l'Alliança
La navèra e per tostemps
A ta crotz que dam hidança
Sus la mort qu'avem per-hem.

Com en sauvas multitudine,
Qu'esperam estar d'aqueths
E que prenem l'abitude
De velhar, fidèus e drets.

Cel. : **Pregària sus las aufrendas**

Senhor noste Diu, dens l'esmiraglant cambi deu sacrifici eucaristic, que'ns hèis participar a la toa divinitat unica e sobirana ; qu'avem rebut la coneishença de ta vertat : acorda-nos d'i estar fidèus per tota nosta vita.

R/ AMEN !

Pregària Eucaristica :

Cel. : Lo Senhor sia dab vos auts !
R/ E DAB LO VOSTE ESPERIT !

Cel. : Haucem lo noste còr
R/ QUE'U VIRAM DE CAP AU SENHOR !

Cel. : Arregraciem au Senhor, noste Diu !
R/ AÇÒ QU'ES JUSTE E BON !

Sanctus : Corala

Sant lo Senhor ! Sant e mei que Sant
Lo Diu de l'univèrs !
Lo cèu e la tèrra son plens de ta glòria.
Hosanna dens lo cèu.
Benedit lo qui vien au nom deu Senhor.
Hosanna dens lo cèu.

Anamnèse : Cel. : **Lo mistèri de la fé !**

Corala :
Que anonciam ta mort, Senhor Jèsus,
Que proclamam ta resurreccion !
Qu'esperam que vengas dens la glòria !

Doxologie : Per eth, dab eth e en eth a tu, Diu lo Pair omnipotent, en l'unitat de l'Esperit Sent tota aunor e tota glòria entaus sègles deus sègles
R/ AMEN AMEN GLÒRIA E LAUDOR TAU NOSTE DIU (bis)

Cel. : Com lo Sauvadour e ns'ac a après e com ns'a dit de har que vam cantar.

Pater (de Ladousse) : Corala :

Pair noste qui és dens lo cèu,
que ton nom se santifica,
que ton regne nos avenga,
que ta volontat se hasca
sus la tèrra coma dens lo cèu.
Dona-nos uei
noste pan de cada jorn.
Perdona-nos nostas deutes,
coma nosautes perdonam
aus nostes debitors.
E hè que ^{n'entrem} ~~ton~~ pas dens la tentacion
mes desliura-nos deu mau.

Embolisme : Cel. : Desliura-nos de tot mau Senhor, e balha la patz au noste monde : dens la toa bontat, desliura-nos deu pecat, virats de tota esprava, entertant que se realizi aquera benurosa esperança : l'aveniment de Jèsus Crist, noste Sauvadour.

R/ PERMOR QUE SON TONS, PER TOSTEMPS LO REGNE, LO PODER E LA GLÒRIA ENTAUS SÈGLES DEUS SÈGLES

Cel. : Que la Patz deu Senhor sia tostemps dab vos auts !
R/ E DAB LO VOSTE ESPERIT !

Cel. : En la caritat deu Crist balhatz-ve la patz

Anheth de Diu : Corala

Anheth de Diu, qui lhevas los pecats deu monde
pietat per nosauts (2 còps)
Anheth de Diu, qui lhevas los pecats deu monde
balha-nos la patz.

Cel. : Aquí l'anheth de Diu, aquí lo qui tira los pecats deu monde. Urós los envitats au repaish de noças de l'Anheth !

R/ SENHOR, NE SOI PAS DIGNE QU'ENTRIS A NOSTE MES DITZ SONQUE UA PARAULA E QUE SERÈI GUARIT

Comunion : (Orgue)

Corala : Pan deu cèu

1 – Jèsus davant lo tabernacle, que ns'èm tots hicats a genolhs. Tots estonats deu gran miracle, qui hètz vos, qui hètz vos.
Repic : Pan deu cèu, pan deu praube monde, a tots, Jèsus l'a volut dar, que tostemps, vòste còs abonde, sus l'autar, sur l'autar.
2 – Cada matin e cada hèsta, qu'avetz prometut de'ns dar pan, aqueth pan blos aciù l'aprèsta, vòsta man, vòsta man.
3 – Jèsus mon Diu lo darrèr dia entaus vòstes hrais pòt viener lèu balhatz a tots arron l'ostie vòste cèu, vòste cèu.

Cel. : **Pregària**

Dens la toa planvolença, damora au ras de ton puple, que te'n pregam, Senhor ; puishque l'as assabentat deus sacraments deu cèu, hèi-lo passar de çò qui es ancian a la vita navèra.
Peu Crist, noste Senhor.

Accion de gracias : Dauna d'Aquitania

Dauna d'Aquitania

*Repic : Dauna d'Aquitania, lugran deu fidèu
Dauna d'Aquitania e Reina deu cèu.
Flor de providéncia, mair deu pecador
Datz-se l'assisténcia, prengatz noste amor !*

1 – Qu'ètz noste Mair, tostemps aimada
La qui sustien sus lo camin
Qui ten la man au qui va càder
E qui tot mau vien secorir.

2 – Los nostes pairs que hasèn viatge
Tà vièner au ras deu vòste autar
Nosauts, tanben, en veuramatge
Que s'apressam entà'us pregar.

Cel. : Lo Senhor sia dab vos auts !

R/E DAB LO VOSTE ESPERIT

Cel. : Que'v benedisi lo Diu tot poderós lo Pair, lo Hilh e lo Sant Esperit !

R/ AMEN !

Cel. : Anatz en la Patz deu Senhor!

R/ AMEN !

Cel. : Anatz en la Patz deu Senhor !



R/ QU'ARREGRACIAM A DIU !

Cantic finau : Estela de la Mar

*Repic : Estela de la Mar, en tot maishant passatge, guida
lo ton mainatge
E nos que't prometem, de't servir de t'aimar,
tostemps, tostemps (bis)*

1 – Lo jorn on la sofréncia e'ns vienerà visitar, apren-nse dab pacièncja a saber tot suportar, Vierja dolorosa, e tan generosa au Golgotà.

2 – A l'orfelein qui e plora se credent abandonat, ditz qu'ua Mair e'u damora, de tũ qu'es tostemps aimat. Doça protectriça, e consolatriça de l'afligit.



ACI GASCONHA - Site Internet : www.acigasconha.asso.fr

Corric : espacigascon@acigasconha.asso.fr

Telefòne – Responedor (33) 05 59 03 34 78

Adreça : Espaci gascon Pèir Larrodé - Ostau culturau Tivoli – 27, arrua d'Euskadi – 64600 ANGLET

Facebook : Aci Gasconha

Twitter : @AciGasconha